

**Kadar Pengangguran Turun Kepada 3 Peratus Pada Mac 2014 - Najib
Bernama
Mei 27, 2014**

KUALA LUMPUR, 27 Mei (Bernama) -- Datuk Seri Najib Tun Razak hari ini berkata kadar pengangguran di Malaysia turun kepada 3.0 peratus pada Mac 2014.

Berikutan prestasi mengagumkan itu, Perdana Menteri merakamkan penghargaan beliau kepada semua pihak yang berusaha untuk memastikan pasaran pekerjaan di negara ini sentiasa stabil.

"Saya ucap terima kasih kepada semua sektor yang bekerja keras untuk memelihara kestabilan pasaran pekerjaan kita," kata Najib melalui laman Twitter beliau.

Beliau berkata demikian untuk merujuk kepada siaran Perangkaan Tenaga Buruh Malaysia bagi Mac 2014 yang menunjukkan kadar pengangguran di Malaysia ialah 3.0 peratus pada bulan berkenaan, turun 0.2 peratus daripada 3.2 peratus pada bulan sebelumnya.

Menurut laporan itu, yang dikeluarkan semalam (26 Mei), setakat Mac 2014, terdapat 13,843,500 tenaga buruh di Malaysia dan daripada jumlah itu, 13,427,800 mendapat pekerjaan, manakala 415,700 lagi masih menganggur.

-- BERNAMA

Copyright © 2014 BERNAMA

Source: <http://www.bernama.com/bernama/v7/bm/newsindex.php?id=1041926>